

Mir vorstene de Walt ball nimmer!

- Fortbildung im Erzgebirgischen Heimatverein Eibenstock -

Andauernd wern mir mit nele daamsche eng- lingsche Vukabln belästicht, des nimmt der- mosn leberhand, des mor zen Schluss gar nischt meh vorstieht. Dessenwagn gibt's heit ausn Elmstocker - Erzgebirgs - Lexikon -

Dudn in klenn Lehrgang. Zwar net leber su ne Vidjo-Konforenz, wies de Grußn vürmachn, mir namme abn dodorzu unner Blattl in 3 Stundnoschnittle. War alle drei Stundn durch- hält un siech allis gut merkt, kaa sugar noch

sei arzebirgsches Hilfs-Abi schaffen! Also lus gehts, frisch gelernt is halb gewunne, oder wie des haaßt.

Hier is eier Lehrer von dar neimodschn Hoomskuuling.

Zen Vorständnis: erscht de englische, dann de arzebirgdeitsche Schreibweis un noocherts de Bedeitung: Hoomskuuling for unnere Senjorinne un Senjorn - 3. Stund

Follower	Folloofer	des is aaner, dar in annem vorfolcht, aber net of dor Stroß, naa, Im Innet. Je meh su e Schreiberling selche Folcher (Aahänger, Fäns) hat, desto berehmtter kaa dar wern un sugar aa noch viel Gald vordiene!
Tweets	Twiets	des is nâr Gezwitzcher, aber net vu de Vöchle. Des sei Nachrichtn, die jeder of nor Innetseit schreibn kaa, egal obs stimmt oder aa net oder gar nâr Mist is
Catfish	Kettfisch	des sei Betriecher, die jemandn ewos viergaukln, meestrns richtig krtminell wie im „Tatort“
Start-up	Startup	des hat nicht mit Sport ze tu, des haaßt „in Gang setzn“, do hat aaner ne nele Geschäftsideo, ob was draus ward, wass mor noch net
No Go	Nogo	des geht gar net! Gemaant sei e paar Bundstoger, die mit dene Virus-Maskn Gald geschefft ham, pfui!
High Noon	Hainuun	is reicht mit eire Demos, is is immer noch fünf vür zwelfe mit den Virus, de Gesundhaat is wichticher als eier daamichs Freihaatsgemaahr!
Hyperlink	Halperlink	oder aafach „link“, dar vorweist of ne annere Seit in Innet, des mor die giei findt un net esu lang imhaar klickn un suchn muss
Streetworker	Strietwörker	do is net etwa dor ehemalsche Stroßnarbiter, dor Staab, Helm gemaant. Des is e ganz Wichtcher, dar den Leitn hilft, die ka dorham ham, siech mit Drogn vollstoppn oder aa mit dor gewarblgn Auszieherel beschäftign (des gibt's fei aa!)
Shuttle-Bus	Schattlbus	des is e Pendlbus, dar eich nu eingtlich endlich emol zen Impfn brenge söllt!

... un mit dar 3.Stund seid Ihr fast fit fors **Arzgebirgs-Hilfs-Abi**, de richtsche Priefing wird dann in unnerm nächstn Hutznobnd ogehaltn - wennis Irgndwann wieder meeichlich is...

Bis dohie - lerne, lerne, lerne - wos is Zeich hält!

Wer dann do die nächstn Satz laasn kaa un aa noch vorstieht, dar hat des **Arzgebirgs-Hilfs-Abi** garantiert aa bestandn!

Wenn de gescheitn Bundstogerinne un

Bundstoger, also die vun den **Taaskfoors**, diech dauemd keine **Lockdaun** un **Schattaun** schickn un du noocherts epperemende noch innem **Hotspot** wuhnst, dann kaste nâr noch ab un zu, wenn de weng Glück hast, zen **Klick un Kollekt** gieh oder suchst im **Soschimedija** mit **www** un nor **Epp** nooch eweng Unnerhaltung beim **Pottkaast** oder bei nern **Blocker**. Des kaste am bestn mit nem **Tablett** oder aa am **Läptopp** machen, wenn de do aber per **Halperlink** un **Häschtäg** an su en **Influenzer** mit- samt seine **Follofer** un dene ihm **Schittstorn** kimmst, do nitzt dir aa kaa **Startup** mit lauter

Twiets ewos, weil do wieder de **Kettfischs** am Wark sei, do is noocherst gelei **Hainuun** un **Nogo**. Do kaste blus noch aufern tichtschn **Strietwörker** hoffn, dar diech innem **Schattlbus** letztendlich zen Impfzentrum brengt!

Bis dohie - Glückauf un bleibst gesund!
Nâr Mut un genuch Ausdauer,
dann schafft Ihr des aa!

Eier Erzgebirgs - Lexikon - Dudn - Schmidt
(Günter Schmidt)